



Om Miljøteknikk AS
Bergveien 14A
5152 Bønes

Dykkar ref.

Vår ref.

23/2731 - 6

Dato

06.07.2026

Saksnr.	Utval
85/26	Utval for klima, miljø og beredskap

Revidert vedtak - utslepp av avløpsvatn - Gbnr 266/10 - Nesheimbrekkene 118


Tiltakshavar:	Carl Evans Downing	Adresse:	Henrik Wergelands Gt 36 5031 Bergen
Søkar:	OM Miljøteknikk AS	Adresse:	5152 Bønes
Tiltakstype/-art:	Utsleppsløype / minireinseanlegg		

Voss Herad gjev heimelshavaren løyve til utslepp av inntil 5 pe sanitært avløpsvatn frå eigedommen 266/20, med heimel i forureiningsforskrifta § 12-5.

Det er ikkje høve til å starte opp gravearbeid før det er gjeve løyve etter plan- og bygningslova.

SAKSOPPLYSNINGAR OG VURDERINGAR:


Saksopplysningar	OM Miljøteknikk AS v/ Ove Nedregotten har sendt inn revidert søknad om utsleppsløype for bustad på eigedom 266/20 og ein søknad om å setje i gang tiltak for å byggje minireinseanlegg med utslepp til heilårsbekk. Anlegget er sett saman av eit Biovac FD5 med UV behandling i UV-syklon. Utsleppet er dimensjonert til 5 pe. Grunnundersøkingar og anleggsdimensjonar m.m. fylgjer av søknaden om utsleppsløype datert 26.05.2026
------------------	--



Voss Herad har vedteke ei [lokal forskrift](#) om gebyr for sakshandsaming, jf. forureiningslova § 52 a og § 11-4 i forureiningsforskrifta. Tiltakshavaren må betale eit gebyr på kr 8110,-

Planstatus / bygg i området:

Bustaden ligg innanfor område der det er tillate å byggje bustadar spreidd. Tiltaket kjem ikkje i konflikt med vassstrengen, strandsona eller vassdragsnært areal.



Avstand til drikkevasskjelder/ vassdrag:	Den innsende dokumentasjonen syner at det ikkje er registrert drikkevasskjelder nærare enn 100 meter nedstraums frå infiltrasjonsarealet.
Uttale frå helseråd/ kommunelege:	Det er ikkje innhenta uttale.
Naboar:	Nabovarsel er sendt inn i tidlegare sak, og det er ikkje komme inn merknadar til det omsøkte tiltaket. Det er avklara med naboeigedom for legging av røyr
Naturmangfaldlova:	For alle saker som er aktuelle for naturmangfaldet, følgjer det av naturmangfaldlova § 7 at prinsippa i naturmangfaldlova §§ 8-12 skal leggjast til grunn som retningslinjer ved utøving av offentleg myndigheit. Det skal gå fram av avgjerda korleis desse prinsippa er vurderte og vektlagde i saka. Det er sjekka ut i Naturbasen til Miljødirektoratet og i artskartet til Artsdatabanken om tiltaket påverkar natur. Det er i området ikkje registrert prioriterte artar, truga eller nær truga artar på Norsk raudliste for artar 2021, utvalde naturtypar eller truga eller nær truga naturtypar på Norsk raudliste for naturtypar 2018. Det er ikkje kjende registreringar av spesielle naturverdiar i området nær det omsøkte tiltaket. Tiltaket fører ikkje til inngrep som gjer at det må hentast inn nye data eller kunnskap om biologisk mangfald. Kravet i § 8 om at saka skal baserast på eksisterande og tilgjengeleg kunnskap, er oppfylt. Med bakgrunn i at naturmangfaldet i liten grad vert påverka, og at det ikkje kan visast til negative effektar av tiltaket på verdifull natur, vert det lagt til grunn at det ikkje er naudsynt å gjere grundigare vurderingar etter dei andre miljørettslege prinsippa i naturmangfaldlova §§ 9-12. Dei miljørettslege prinsippa i naturmangfaldlova om å fatte offentlege vedtak vurderer me som oppfylte.
Andre myndigheiter:	Ikkje relevant.
Konklusjon:	Det er vurdert at tiltaket ikkje vil føre til terrenginngrep eller endring av terrenget slik at viktige naturverdiar vert reduserte. Tiltaket kjem ikkje i konflikt med vassstrengen, strandsona eller vassdragsnært areal. Prosjekterande har på bakgrunn av utførte grunnundersøkingar konkludert med at eigedommen ikkje har forhold på staden som kan brukast til naturleg infiltrasjon. Det er derfor valt ei løysing med minireinseanlegg å UV-syklon for utslepp til heilårsbekk Søknaden er komplett og i samsvar med forureiningsforskrifta § 12-4. Så framt anlegget vert bygd i tråd med prosjektering og gjeldande standard finn Voss Herad det forsvarleg å gje løyve til utslepp av inntil 5 pe frå eigedomen 266/20, adresse Nesheimbrekkene 118.

VEDTAK:

Voss Herad gjev følgjande løyve:

Utsleppsløyve

Vedtaket er gjeve med heimel i forureiningslova §§ 9 og 11 og forureiningsforskrifta kap. 12, jf. § 12-5.

Løyve er gjeve på desse vilkåra:

- 1) Dette utsleppsløyvet gjeld for bustad på eigedomen 266/20, adresse Nesheimbrekkene 118. Løyvet gjeld for 5 pe.
- 2) Den lokale forskrifta om slamtømming og standardkrava gjevne i forureiningsforskrifta kap. 12 skal oppfyllest:
 - § 12-7 Avløpsnett
 - § 12-8 Utslipp til følsamt og normalt område
 - § 12-10 Dokumentasjon av reinsegrad
 - § 12-11 Utslippsted
 - § 12-12 Lukt
 - § 12-13 Utforming og drift av reinseanlegget
- 3) Borebrønn skal registrerast i GRANADA (NGU sin nasjonale grunnvassdatabase).
- 4) Skulle det oppstå forureining av andre sine drikkevasskjelder / resipient er anleggseigaren ansvarleg.
- 5) Det skal teiknast skriftleg avtale om drift og vedlikehald – serviceavtale før ferdigattest / mellombels bruksløyve vert gjeve. På bakgrunn av gjennomført service skal det sendast inn årsrapport til kommunen seinast 1. februar kvart år.
- 6) Det skal ved årleg service takast vassprøver av utløpet frå UV-desinfeksjonseininga. Prøvene skal analyserast for **E. coli** og **termotolerante koliforme bakteriar**, og analyseresultata skal leggjast ved den årlege servicerapporten. Er tiltaket / delar av tiltaket plassert på annan eigedom skal det ligge ved skriftleg avtale.
- 7) Avløpsleidningane skal leggjast så skånsamt som mogleg i terrenget, og leidningstraseen skal ein så til på best mogleg måte.
- 8) Minireinseanlegget skal tømmast etter den lokale forskrifta om tømming, eller hyppigare dersom servicepersonell ved kontroll påpeikar høgt slamnivå.
- 9) Anlegget skal sikrast mot frost og dekkjast over med stadlege massar, jf. prinsippskisse.
- 10) Avløpsanlegget skal dimensjonerast, byggjast og drivast etter kjende metodar eller norsk standard. Dokumentasjon skal utførast av ein nøytral fagkyndig.
 - VA/Miljø-Blad nr. 52 Minireinseanlegg.
- 11) Skulle det koma offentleg eller privat avløpsleidning nær det innvilga anlegget, må tiltakshavaren kople seg til dette – jf. forureiningslova § 23.
- 12) Løyvet kan i alle høve kallast attende eller endrast etter 10 år, jf. forureiningslova § 18.

Informasjon om klagerett

Part eller annan med rettsleg klageinteresse kan klage på vedtaket, jf. forvaltningsloven (fvl.) §§ 2 fyrste ledd bokstav e og 28. Klagefristen er 3 veker frå vedtaket er motteke, jf. fvl. § 29. Klaga må innehalde datoen for kva tid vedtaket vart motteke, kva vedtak ein klagar på, endringar klagaren ynskjer, og kva grunnar klaga støttar seg på. Klaga må vere underteikna.

Sjølvs om du har moglegheit til å klage, kan vedtaket normalt gjennomførast straks. Om du meiner vedtaket må få utsett iverksetjing inntil klagefristen er ute eller klaga er avgjort, kan du be om det, jf. fvl. § 42. Vedtak om utsett iverksetjing kan du ikkje klage på.

Klaga skal sendast skriftleg til den kommunen tiltaket er plassert i.

Du kan ikkje reise søksmål om gyldigheit eller erstatning som fylgje av vedtaket, utan at du har nytta klageretten din, og klaga er avgjort av den høgste klageinstansen som står open, jf. fvl. § 27 b. Om det har gått 6 månader frå du framsette klaga fyrste gong, og det ikkje er din feil at klageinstansen ikkje har avgjort saka, kan du likevel reise søksmål, jf. fvl. § 27 b.

Med venleg helsing

Tilla Ruud

Dokumentet er elektronisk godkjent og treng ikkje signatur

Kopi til

Anna Lisa Garmann Klare

Carl Evans Downing

Henrik Wergelands Gate
36

5031

Bergen